


Kerwereda

**Wenn alles
schief läuft...**



**...denk daran, es
könnte noch
schlimmer
kommen!!!**



2005

2€

Viel Spaß an der Reipoltskircher Kerwe wünscht

**Fernseh & Elektro Service
Sanitär - Öl - Gas - Heizungen**

MÜLLER

Alexander
Meisterbetrieb

Luitpoldstraße 27
67759 Nußbach
06364 / 1698



Fil. Gangloff
Brögt 259
06364 / 229

Wartungen - Reparaturen - Installationen
Verkauf von TV - HiFi - u. Elektrogeräten
Kaminsanierung - Heizungen - Küchen
Bäder - Solaranlagen - Photovoltaik

Anfang

Mer wolle nun jung und alt zu unserm Feschk begrieße,
un dann a glei mit de Kerweredd losschieße.

Versammelt wer ner jetzt all here,
was die Reiwelskeier üwers Johr so vollfere.
Wie jed Johr sinn wirrer e paar Sache passiert,
un die hammer mo all kropp ufs Papier geschmiert.

Vun Johr zu Johr werds immer mauer,
un die Kerweda a immer grauer.
De Bierstand is spädeschdens um 11 Uhr geschloss,
friehier is mol viel mehr Bier gefloss.
De Samschdach is a nimmi das waser mo war,
das muss ich jetzt grad emo sae.
E gudie Musik koscht halt zu viel Kohle,
stattdessen dut die Gemäh liewer sunscht äbbes hole.

Awer egal, mir sinn jo fro das es die Kerb üwwerhaupt noch gebt,
un hoffe a das se nie aussterbt.

Fer unser Stimme e bisje zu eele,
kippe mer uns jetzt erscht noch e Gläsje Wein in die Kehle.

Mer dun jetzt mit de Tate, Sünde un annere Sache beginne,
un here noch de Straußjugend ihr Stimme...

...Die Reiwelskeier Kerb soll lewe...

...hoch

...hoch

...hoch

ABER WIE GROSS
 SIE SIND, KÖNNEN
 WIR GENAU
 AUSMESSEN.

MEHR
 BERATUNG

Schuhhaus Fritz
 Lauterecken
 SHOES &
 MORE



Garten-Landschaftsbau
 Hausmeisterservice
 Trockenbau
 Fliesen & Fugarbeiten

Geiss



Stefan

67753 Reipoltskirchen

Hohlstrasse 18 Mobil: 016097330471

Tel. 06364/1521 Fax 06364/175678

Holzfäller Emil

Jetzt hammer a noch e Sach,
aus ner Stroß, in dere is immer Krach.

Üwwer de Emil geht folgender Bericht,
un der hot fremde Bäm in seiner Sicht.

Fauna un Flora sin jo fer unsere Globus wichtich,
deshalb isses ah in Reiwelskerch ganz richtich,
dass hie un do eh Bäämche steht,
ach außerhalb vun unsere Wälder- wans geht.

Darum sieht mer uf manche Ohwese,
Bääm rumstehe, in alle mögliche Grese.

Zu de Vortele vun dene Gewächse wär noch se sah,
dass viele im Herbst eh haufe Frücht trah.
Schattespende duhn se im Summer um uns vor gefährliche UV-
Strahle se schütze,
soll emol jemand sah -"so eh Baum wär zu nix nütze."

Trotzdem kann mer immer widder heere,
dass Laub un fallende Blätter die Nachbare steere

Der vun uns gemänte Bäm steht beim Paulus Birgit ufem Stick,
un als in dem Haus käner mie hot gewohnt, hot de Emil gedenkt, „das
werd mei Glick“.

In vollem Elan und Drang voller Taate,
horrer sich uf de Weesch gemacht zu Pauluse in de Gaarte.

Der Bäm hot dann gehat nimmi lang ze lewe,
„was dun die ganze Blätter a zum Emil enüwwer schwewe“?

Bei dere Schändung horrer awer net bedacht,
das dort immer jemand Kontrolle macht.


Unentdeckt isses dann a net lang geblibb,
wie mir das mitkriet hann hammer gemänt uns nemmt jemand uf die
Schip.

Ozeige hätten ne es liebscht e paar die bal dert wohne,
de Emil hat halt net, wie er vielleicht mänt uff die Krone.

Also Emil, sae müsse mer der noch an dere Stell,
Annerleits ihr Sache geht dich gar nix o, gell!!!!!!!!!!!!

eigene Schichtung

seit 1896



67700 Niederkirchen

Heinricherstr.8

Tel 06363 / 322

Urlaub in Ungarn

Wenn manche e Reise mache,
dann hanse immer ze erzähle üwwer viele Sache.

Im Herbschd e Männertour, jed Johr, das muss sin,
dass is bei de Schultze Buwe, ihm Schwager un ihm Cousin schun im
Blut drin.

Ungarn das is steht's ihr Ziel,
medem Rohrebacher Busje hanse do ach e leichtes Spiel.

Im letschde Johr so hatte se ausgemacht,
wird e Zwischestop uffem Münchener Oktoberfescht gemacht.

Der Stop war geglickt un wunnerschee,
un am nägschde Daach kunnts dann Richtung Donau weitergeh.

Es Busje vollgeknallt mit Klamotte bis unners Dach,
mer wollt jo a zeige was mer hat.

Es is noch net ganz klar,
was de Grund vun dem Busje seiner Oziehungskraft war.

Doch an de Donau, oh Schreck, oh Krauss,
noem Esse bei Freunde war ausem Busje alles haus.

No de erschd Uffrechung hot jeder feschtgestellt,
ford sinn nur die Klamotte, net unser Ausweise, Scheckkarte uns
Geld.

E paar Sache hatte se jo a noch o,
un es Auto war a noch do.

Also hannse net brauche ze heile,
un kinnde am nägschde Daach zum Kläder kaffe no Budapest eile.

Demit die Räuwer sieh was se ohgericht hann,
wurde alle Kläder im Six-Päck kaaft,
un so im Wechsel in Graue, Weiße un Schwarze T-Shirt's
erummgelaaf.

Esse un trinke hann se sich dann widder schmecke geloss,
unn es ungarisch Cola is in doppelter Menge gefloss.

Es nägschde Mo nemmen kä Koffer orrer Dasche mit.
Ziehe eier Klamotte all üwernanner an de Leib,
egal ob die Sunn scheint oder obs schneit.

Wenn eier Männertour werre soll es nägschde mo e sicherer Hit,
dann duns Auto doch an e Kett un nemme die rechtliche Sache ausem
Auto mit.



Klaus Schütz

MOTORSPORT & REIFENSERVICE

Hauptstraße 2

67759 Nußbach

Tel. 06364-175517 Mobil. 0171-4362453



KS Motorsport & Reifenservice wünscht Ihnen eine schöne Kerwe

Service Angebote und Öffnungszeiten

**Reifenservice - Alufelgen - Motorradreifen; Inspektionservice;
Autoteile u. Zubehör; Motorsportliches Zubehör; Chip Tuning;
Neu und Gebrauchtwagen**

Öffnungszeiten:	Montag bis Donnerstag	9.00 - 17.00 Uhr
	Freitags	13.00 - 17.00 Uhr
	Samstags	Nach Vereinbarung

!!! JETZT NEU : Computer Achsvermessung !!!

!!! Jeden 1. u. 3. Freitag im Monat Tüv / AU !!!

Kerwefreitag

Am Kerwefreitag is bei uns ingang e bes Geschicht un die dreht sich um de Miehler Kai, der is wanner gesoff hot net ganz dicht.

Der Kerl dut net nur Sticker vum Weihnachtsbäm abreiße, sondern baut a sunsch ordentlich Scheiße.

Die Kellermäd hann em Kai sei Begleitung nome verschwunnene Handy gefot, un de Kai hot so gemacht wie er schlat uns glei dot.

Die Kellerbuwe hann dann zum gemänt es sei jetzt in Ordnung, un de Kai hot dodezu nur gesa er gebt uns glei Ordnung.

Deno hann de Kai un sei Kumpels die Hall verloss, un uf dem Weg is nommo ordentlich Alkohol gefloss.

Sie sinn dann selbscht vollgetankt die Stroß mem Auto enunner gefahr, un hann dann direkt vor de Hall nommo gehall a.

Der Kerl steit aus un stubbt die Leit do erum, un anscheinend hotter Spaß dran gefunn.

Mer hann zum gemacht „jetz her doch mo uf“, awer de Kai war halt im Suff.

Er is dann beleidischt häm getappt, un is jetzt schon fascht e Jahr ingeschnappt.

Dehäm hotter sich anscheinend üwverleet,
un bei de Berichterstattung die Tatsache vedreht.

Die Straußbuwe hätten ihn ogepöpelt,
un zurn gute Schluß a noch vermöbelt.

Kai du bisch net so toll wie de denksch das des bisch,
es nägschte mo kammer das a kläre ohne zu sinn so ausser sich!

Bäckerei-Konditorei




Müller

Inh. Jörg Müller

Kegelbahnstr. 10

57753 Reipoltskirchen

Telefon 06364/323



Bämschnittkurs

Damit mer Termine vereinbare kann,
hat frieher mo e schlauer Mann,
eh ziemlich cleverie Erfindung gemacht,
nämlich e Kalenner mit Monat un Daach.

Wollen also mehrere Leit,
sich emo treffe zu de gleich Zeit.
Wird nom Kalenner e Termin feschtgeleet,
uff die Art un Weis kummt nimmand zu frieh orrer zu speet.

Zeerscht e Blick uf sei Planer - er hat sich schun gefreit,
am Samschdachmoje isses soweit.
Vun welchem Jahr sei Kalenner war, dut sich unsrer Kenntnis entzieh,
zum Schnittkurs kamer jedenfalls e Woch zu frieh.

Woruf ich enaus will - kumme mer zu de Sach,
Engels Walter de Chef vum Obscht un Gaartebauverein hat emol e
Schnittkurs gemacht.
Selbschtverständlich zume beschdimnde Termin.
Cronebachs Edwin saat sich - „Do muss ich hien“.

Jetzt kummts noch besser - nämlich mit de Kron
vun de Zeimessungspräzission.
Ich redd vun de Uhr, die derfe mer net vegesse,
met dere kann mer sogar Sekunne un Stunne messe.

Allerdings is so mancher Konfus,
weil er sich uff die Summerzeit un Winterzeit instelle muss.
Zwä mo im Jahr wird die Uhr vestellt,
in de Nacht vun Samschdach uf Sunndaach, in de westlich Welt.

Disjohr hat sich Habermanns Bruno geschnerrt,
un sich bei de Zeitumstellung im Daach geerrt.
Sämtliche Wecker schon vun Freidaach uf Samschdaach frisiert,
dass hat dann zume große Irrtum gefiert.

Samschdaachs hat der kä Termin verpennt,
er is nämlich iwverall e Stunn zu frieh hie gerennt.
Also ach zum Kurs fer die Bäm se stutze,
duter zur Zeitmessung sei Zwiwwel benutze.

E Stunn zu frieh, un sich käner Schuld bewuscht,
sunscht noch käner do - un brät macht sich de Fruscht.

„Wo bleiwe die dann?“

„Wann ich äns net leide kann,
dann isses Unpünktlichkeit!“

Gell Bruno es isse Kreiz mit dere Zeit.



WERKMARKT



BAHN
SCHNEIDER

 **0 63 82**
92 190

IHR KOMPETENTER FACHMARKT FÜR BAUEN UND HEIMWERKEN
GARTEN-SHOP • BAUSTOFFE • BRENNSTOFFE • INDUSTRIE-GASE

FRIEDHOFWEG 3 • 67742 LAUTERECKEN
TÄGLICH VON 8.00-12.00 UND VON 13.00-18.00 UHR • SAMSTAG 8.00-14.00 UHR DURCHGEHEND!

Blumen Laub


Inh: Marion Laub
HEIMKIRCHERSTR: 3
67700 Niederkirchen
06363/1221

Ihre Floristen in Niederkirchen

Wir Bieten Ihnen, Arrangements für jeden Anlass:

- *Hochzeitsschmuck*
- *Tischdekorationen*
- *Raumschmuck*
- *Trauerschmuck*

Sowie PFLANZSERVICE und GESCHENKARTIKEL
für besondere Gelegenheiten



Unfall? Was solls!

E Unfall kann jo sinn e schlimmi Sach,
mo e kläner Moment net richtisch ufgebasst und schun machts Krach.
Die meischde Leit sinn deno ganz schockiert,
awer mir kenne Äne, den das alles no änem Unfall hot garnet so
intressiert.

Die Geschichte hanneln von Biehlersch Marc,
un der hot sich mo wirrer gefühlt Superstark.

Uf ner Party war der an Hexenacht present,
un is irgendwann am späte Owend mit seiner Zitron Richtung
Reiwelskerch gerennt.
Am Becherbacher Wannerparkplatz hots ne dann aus de Kurv
geschla,
bis die Zitron ganz ausgepresst war.
Nur Minute später, wo anner alle Flitte von sich strecke,
hot de Marc gemänt,
ob ners glawe oder net,
er mischt jetz erscht noch schnell sei Freundin decke.
Die hann sich's im Auto gemitlich gemacht,
un warn dann emo e Zeitlang gut bei de Sach.
Als se dann irgendwann nemo fertisch ware,
hat klein Marc sich a mo ogeguckt die misere Lage.
No e paar weitere Bier an Ort un Stelle,
horrer sich überleet wie er es Auto dort fort kriet so uf die
schnelle.
Sei Gedanke war dann „e Bulldog muss her“,
das wert jo wohl net sinn so schwer!
Dann hotter schnell e Koleesch ogeruf,
un gesa „kumm mo mem Bulldog no Becherbach eruf“.

Mem Bulldog hanse die Karre dann erausgezo,
die war do ziemlich vedellt un vebo.
Üwer Nacht hatter die Zitron dann irgendwo abgestellt,
un is am negschte Da in nüchterem Zustand widder demit
hängeschnellt.

Mei lieber Marc,
her uf beim Fahre so viel zu trinke,
sunscht siehe mer dich negscht Johr wirrer ausem Grawe winke.

Einkaufen
auf dem
Bauernhof



Qualität und Frische ab HOF

Kirchmer's Hofladen
Ausbacherhof
67753 Reipoltskirchen
Tel./Fax.: 06304 / 7851



Direktvermarktung eigener Produkte rund um Fleisch, Milch, Getreide und Obst;
alles aus natürlicher Erzeugung !!

Fleisch auf Vorbestellung, Dosen-, Darmwurst und mehr fast ständig vorhanden.

Überzeugen Sie sich selbst von der gesunden Qualität und Frische der Produkte - vielleicht auch in
unserer kleinen „Vesperstube“. Geöffnet nach Anmeldung für Wanderer, Reiter und sonstige Gruppen
sowie Feste jeder Art !

--Lernen Sie uns kennen--

Straßensperre alla Uli;

Uf de Alm gebts jo bekanntlich immer was zu siehe,
do geht's sogar soweit bis sich die Laterne halwer vebiee.

Engels Walter trifft mer zu bestimmte Zeite uffem stille Örtche,
wo er tut zubereite sei Schokoladetörtche.

Er härt vun dort so manche Sache,
doch an äm Daach horrer venum e großes krache.

Er sieht sich gesteert in seinem Element,
un erblickt wie im Uli sei Toyota is geje die Latern gerennt.

De Uli is vun de Awet häm kumm un gleich ins Haus gerennt,
un die Handbrems zu zumache hot er dodebei total verpennt.

2 Daach später kummt er mim Golf häm geeilt,
un war schun wirrer ziemlich verpeilt.

De Walter hot mo wirrer uffem Klo gehockt,
hot sich debei gedenkt, was hatten de Uli jetzt schun wirrer vebockt?!

Er gugt enaus uf die Stroß,
als es hot gezicht un gebloß.

Im Uli sei Golf hot dann kurzi zeit de Lämeacker plockiert,
awwer gott sei dank is weirer nix passiert.

Nocher kurzer zeit, mer kanns net klawe,
hocher gelernt es Auto richtisch ze Parke.

Un wissener was?!

Er macht die Handbrems jetzt ach immer zu,
un de Walter hot uffem Klo endlich sei ruh!

Uli dus doch endlich mo schnalle,
dass dei Auto uf ner schräge dud Halle!!

Telefonische
Voranmeldung
erbeten!

DAMEN HERREN

K. & T.

frisöre
STAUTER

Hauptstraße 56
67759 Nußbach

Tel.: 0 63 64 - 6 72
Fax: 0 63 64 - 6 11

info@salon-stauter.de
www.salon-stauter.de

Praxis f. Physikalische Therapie

A & B Schlicher
Hauptstr. 64

67759 Nussbach

**Krankengymnastik auf
neurophysiologischer Basis
Schlingentisch
Massage / Fango
Heißluft / Stangerbad
Unterwassermassage
Elektrotherapie
Manuelle Lymphdrainage**

Öffnungszeiten

Mo.-Fr. 8.00-19.00

Mo.-Mi.-Do.-Fr. 14.00-19.00

Tel. 06364/1465

Lebensretterin Elisabeth

Bei Maués Kurt in de Ausbacher Stross,
war ähnes Dachs de Deiwel los.
Do war eh geschnatter un eh gezeter,
lauter noch als es gebell vun Repperts Keter.

Was war dort los wern ehr eich jetz froh,
ich vezehls eich - die Sach war so.

De Kurt hat vier Ente wenners wisse wolle,
genannt Milli, Susi, Rudolf un Lolle.
Un die Milli hat sich ähnes Daachs vefang,
un met em Hals fest zwisch zwäh Bretter gehang.

Do han die Kumpels dere arme Milli geholf,
also die Lolle, die Susi un de Rudolf.
Met ehre Spektakel wecken se de Nachbare uf,
un der hat dann de Entenotdienst geruf.

In Gestalt vun Schultze Elisabeth kummt der dann hie,
Zum Rudolf , de Lolle un de Susi.
Un froht se " was mache ner dann fer eh Krach?"
"was hann ehr dann met de Milli gemacht?"

Dann sieht se se zwische de Bretter klemme,
sich met aller Macht geje de Sensemann stemme.
Met flinker Hand hat se se dann befreit,
So - das war die Geschichte ehr Leit.



Birgit's Frisierstube

Birgit Krieger-Karch

Hauptstraße 4

67748 Odenbach

Telefon 06753 / 45 99

*Wir wollen das Sie
sich wohl fühlen!*



**SONNEN
APOTHEKE**

AM SCHLAUWEG 2
67700 NIEDERKIRCHEN
TEL. 06363•993084
FAX. 06363•993085

Kurz gemeld

Was jetzt kommt is net wie die übliche Sticker,
sondern mehr so eh Art Nachrichteticker.

Als erschtes hätt ich do unser Burg im Programm,
immer noch net fertisch - weil gut Ding will jo Weile han.

Ganz annerscht unser Spielplatz, der is jetzt beendet,
do hat sich die Sach zum Positive gewendet.

Un bevor ichs jetzt vegesse,
mer han NOCH eh Baustell vun allgemeinem Interesse.

Uffem Friedhof hat mer am Gehweg weitergebaut,
unerdesse hat so eh Doller eh paar Quadratmeter Plaschter geklaut.
Wammer denne vewische kummt er in Haft.
So - jetzt mache mer eh Themewechsel zu de Landwirtschaft.

Im Gässje hammer zwar käh Baurehof,
trotzdem wohnt dort zeitweilisch eh Schoof.
Em Baumann sei Mieter hat sich net scheniert,
un es Wohnzimmer zum eh Stall umfunktioniert.

Soweit die Nachrichte aus unserer Welt,
dorch die RPA - die Reiwelskercher Presseagentur - gemeldet.

äh Kurzmeldung kummt grad noch rin - wie mer so hört,
war an Hexenacht korzzeitisch de Fernsehempfang gestört.

Domet will ich jetzt schliesse,
un mei Stimmbändcher eh bisje giesse.



Meisenheim

FAHRSCHULE

Attila Christian Hargittay

Lauterecken

Junges Team, kompetente Ausbildung
Unterricht und Anmeldung

Dienstag und Donnerstag ab 18:30 Uhr

Lautertalstr. 1 67742 Lauterecken

☎ 06382/994535 o. 0171/5235852

Montag, Dienstag und Donnerstag

ab 18:00 Uhr

Untergasse 18 55590 Meisenheim

☎ 06753/2471 o. 0171/5235852

500€-Gewinn

Mer kumme jetz zu ner Ortsbekannte Fra,
un dodemit mähne mer naderlich unser Herta.
Es Herta wäs immer üwwer alles un jeden bescheid,
un is ach immer fer e small-talk bereit.

Die Geschichte hat letschtjohr vor Weihnachte begunn,
was mer all hann recht luschiedisch gefunn.

Es Herta geht als no Lauterecke inkaafe,
um vor de Weihnachtszeit e paar Preise zu entlarfe.
Fer jeden Inkaaf den mer dort hot gedu,
gabs fer alle 10€ e Märkelche dezu.
Die Märkelcher muscht mer uf e Sammelkart klebe,
un in vorgesehene Boxe abgebe.

Unser Herta, wie kennts ach anerscht sinn,
hat ach noch glei de Hauptgewinn.
Die 500€ sinnem schun im Kopp erumgang,
un was es dodemit alles ostelle kann.
Es hot jo awer net debei bedacht,
dasse do de Markant e Strich durch die Rechnung macht.
20 änzeln Gutscheine hots erhall,
do is die Flepp e Stockwerk diefer gefall.
Es Geld kunnts net uf emol verprasse,
sondern musses irgendwie 20 mol unner die Menschheit schaffe.

Herta wenn de es nägschte mol wirrer willsch die Glick pobiere,
denk immer dro a die Rickseit zu studiere.
Do stehe als schlaue Sache drin,
unner annerem ach wie se auszahle de Hauptgewinn.

Ach, un noch was,
nemm der unser Worte zu Herze,
dann gebts ach negshtes Johr nix iwver dich zu scherze!

*Der zuverlässige Partner
für Gastronomie
und Veranstaltungen*



GETRÄNKE-FACHGROSSHANDEL

Felsen-Bräu

Getränkeheimdienst - Getränkeverkaufsstellen
67742 Lauterecken · Tel. 063 82/74 81 · Fax: 33 23
www.felsenbraeu.de

Kirner Biere · Warsteiner Biere · Bitburger Premium · Bischoff Biere
Karlsberg Biere · BBK Biere · Parkbräu Biere
Selters · St. Medardus · Tönissteiner · Coca Cola
Schloß Veldenz Fruchtsäfte
Pfälzer- und Nahe-Weine · Sekt · Spirituosen

Modernes Alu-Zelt - 35x10m + Anbauten · Partyzelte »variabel«
Leihmöbel · Theken · Leihgläser · Kühlwagen · Kühlschränke
Durchlaufkühler · Verkaufswagen · Weinstände

Schluss

Jetzt simmer schon okumm am Schluß,
weil jedi Kerweredd a mo ufhere muss.

Mer hoffe das es hot eich Spaß gemach,
denn fer uns war das e harti Sach.
Es war halt disjohr net so viel üwwer eich ze schreiwe,
negscht Johr müsse ner halt e bisje mehr Unfug treiwe.

Zu gutem Schluß bevor ner eich verziehe,
krie ner erscht noch es Lisabeth zu siehe.

Lisabeth...

Lisabeth das war mo wirrer wunnerbar,
awer was solle mer mache, du bisch halt unser Superstar.

Es letschte, was mer an dere Stell noch sae,
feiern ach noch schee die negschte paar Kerweda.

...Die Reiwelskeier Kerb soll lewe...

...hoch

...hoch

...hoch



*"Es ist uns wichtig,
jungen Leuten aus der Region
eine interessante Ausbildung und
einen sicheren und modernen
Arbeitsplatz für die Zukunft zu bieten."*

*Helmut Käfer
Vorstand*

**Sparkasse.
Gut für den Landkreis Kusel.**



Unsere derzeitigen Auszubildenden mit Ausbildungsbeginn 1. August 2004. Betreut werden unsere Azubis von Ausbildungsleiterin Heike Schüler (Mitte). www.kskkusel.de